



**Universiteti Bujqësor i Tiranës**



**Bashkia Memaliaj**

Nr. 1165 Prot. dt. 08/04/2024

Nr. 832 Prot. dt. 08/04/2024

## MARRËVESHJE BASHKËPUNIMI

E lidhur sot më datë/08/04/2024, ndërmjet **Universitetit Bujqësor të Tiranës (UBT)** përfaqësuar nga **Rektori, Prof. Dr. Fatbardh Sallaku**, dhe **Bashkia Memaliaj**, përfaqësuar nga **Kryetari Albert Malaj**, nisur nga qëllimi për të forcuar dhe thelluar marrëdhëniet ndërmjet dy insitucioneve, bien dakord si më poshtë:

### Neni 1

#### Baza Ligjore

Kjo marrëveshje mbështetet në nenin 3 të ligjit Nr. 80/2015 "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë" dhe neni 2 pika 6 e Statutit të UBT, VKM nr. 188, datë 13.3.2019, "Për ofrimin nga institucionet publike të arsimit të lartë të shërbimeve, në përputhje me veprimtarinë e tyre, për institucionet e qeverisjes qendrore dhe institucionet në varësi të tyre" dhe Ligjin Nr 139/2015 "Për Vetqeverisjen Vendore", kreu III, Neni 8 dhe 9.

### Neni 2

#### Qëllimi i Marrëveshjes

Qëllimi i kësaj marrëveshjeje është institucionalizimi i bashkëpunimit ndërmjet Universitetit Bujqësor të Tiranës (UBT) dhe Bashkisë Memaliaj në fushën e bujqësisë, mjedisit, blegtorisë, akuakulturës, teknologjive ushqimore, agroturizmit, pylltarisë, si dhe ruajtjen, menaxhimin dhe përdorimin e qëndrueshëm të mjedisit, tokës bujqësore, pyjeve dhe liqeneve. Secili institucion do të caktojë një person përgjegjës për bashkëpunimin, i cili do të referojë tek autoritetet drejtuese kompetente aktivitetet e bashkëpunimit.

### Neni 3

#### Angazhimet e palëve

Bashkia Memaliaj angazhohet në përfshirjen e ekspertëve të Universitetit Bujqësor të Tiranës, në përputhje me nevojat e saj në të gjitha fushat e bashkëpunimit.

Universiteti Bujqësor i Tiranës angazhohet të përfshijë ekspertët e saj në përputhje me nevojat e Bashkisë Memaliaj në fushat e bashkëpunimit të tyre.

### Neni 4

## Kohëzgjatja

Kjo marrëveshje do të ketë një kohëzgjatje prej **4 (katër) vjetësh** nga data e nënshkrimit nga ana e drejtuesve të dy institucioneve me të drejtë rinovimi.

## Neni 5 Përgjegjësite e Palëve

- 1. Bashkia Memaliaj** angazhohet që do të kontraktojë **Universitetin Bujqësor të Tiranës**, në kryerjen e shërbimeve të mëposhtme:
  - Kryerjen e studimeve për rajonizimin e kulturave bujqësore në territorin e Bashkisë Memaliaj,
  - Praktikat më të mira në përdorimin e tokës bujqësore dhe orientimi drejt bujqësisë organike dhe konsolidimit të kulturave bujqësore,
  - Praktikat më të mira në përdorimin e tokës bujqësore me qëllim reduktimin e erozionit dhe rrezeve të tjera mjedisore,
  - Vlerësimi i gjendjes së rrjetit kullues dhe skemave të vaditjes dhe vënia e tij në efikasitet të plotë,
  - Monitorimi i cilësisë së ujërave në Bashkinë Memaliaj,
  - Studime për praktikat më të mira bujqësore, miqësore me mjedisin që sigurojnë prodhim të qëndrueshëm,
  - Hartimin e planeve të rehabilitimit të sipërfaqeve të djegura ose djerrë,
  - Mbështetje për hapjen e shkollës profesionale për specialistet në fushën e bujqësisë,
  - Hartimi i projektit për rehabilitimin e kanaleve vaditëse dhe rezervuarëve ujitës në Bashkinë Memaliaj,
  - Hartimi i projektit për rehabilitimin mjedisor të kapeve industriale në pjesën veriore të qytetit dhe kthimin e tyre në zonë shërbimesh ose rezidenciale,
  - Hartimi i planit për menaxhimin e pyjeve dhe kullotave në territorin e Bashkisë Memaliaj.

**UBT** ka detyrimin që të angazhojë specialistët më të mirë të fushës dhe të sigurojë produkte apo shërbime sipas nevojave që ka Bashkia Memaliaj. Po kështu, **UBT** angazhohet të organizojë trajnime, seminare dhe workshope të përbashkëta që lidhen me zhvillimin e qëndrueshëm të bujqësisë, agroturizmit, pylltarisë etj.

## Neni 6 Veprimtaritë e përbashkëta

Palët do të bashkërendojnë përpjekjet e tyre për hartimin e projekteve dhe studimeve në fushat e lartpërmendura me qëllim sigurimin e mbështetjes financiare nëpërmjet aplikimit të projekteve tek donatorë të ndryshëm.

Fakultetet e UBT dhe Drejtoritë e Bujqësisë dhe Pyjeve të Bashkisë Memaliaj angazhohen të kordinojnë aktivitetet që lidhen me zhvillimin e bujqësisë dhe mjedisit në territorin e njësisë vendore.

## Neni 7 Shkëmbimi i Informacionit

UBT dhe Bashkia Memaliaj sigurojnë dhe shpërndajnë informacion me synim rritjen e vlerës së përdorimit të njësive agroturistike në Bashkinë Memaliaj.

**Neni 8**

**Zgjidhja e mosmarrëveshjeve**

Mosmarrëveshjet që mund të lindin midis palëve, do të zgjidhen në frymën e mirëkuptimit dhe me bisedime ndërmjet tyre. Zgjidhja e marrëveshjes bëhet me kërkesë të secilës palë.

**Neni 9**

**Dispozita të fundit**

Marrëveshja hartohet në 2 kopje, dhe mund të rinovohet vetëm me dakordësinë e të dyja palëve. Ndryshimet, përmirësimet ose anulimi i kësaj marrëveshjeve bëhet me pëlqimin e të dy palëve duke njoftuar paraprakisht me shkrim jo më pak se 2 muaj përpara.

**Universiteti Bujqësor i Tiranës**

**Rektori**

**Prof. Dr. Fatbardh SALLAKU**



**Bashkia Memaliaj**

**Kryetari**

**Albert MALAJ**

